

Directiva nobo pa Rotaract Club of Aruba a keda instala



ORANJESTAD (AAN): Rotaract Club of Aruba a inaugura diasabra 27 juni 2020 e hunta di directiva pa aña 2020-2021. E momento importante aki a tuma lugar den presencia di miembronan, coach di e club, Rotarionan, Interactors y famia.

Rotaract ta un organizacion internacional pa

hobennan cu ta promove liderazgo, con pa ta un ciudadano responsabel, curasha standard halto di etico den negoshi y promove pas na mundo. Tin alrededor di 165 mil miembro cu ta forma parti di 7 mil club den 151 pais rond mundo trahando hunto pa "make things happen."

Rotaract Club of Aruba

a worde crea dia 1 di december 1991 y por conta awe cu 31 miembro activo cu ta bini hunto pa crea un impacto positivo den nos comunidad.

Ora Covid-19 a toca, el a afecta y conecta nos den un manera nunca antes. E club mester a siña adapta na un situacion nobo pa asina yega na yena e necesidad

nobo den comunidad, mirando cuanto ja caba a sufri durante e pandemia. Rotaract Club of Aruba ta contento pa por yuda alivia esaki un tiki durante e temponan aki.

E club kier felicita presidente saliente, Diantha Boekhouwer, pa un aña sobresaliente unda e tabata un lider ehemplar y pa inspira e club pa pensa kico e comunidad di Aruba mas mester y bira e necesidad den accion.

Na mes momento, e club ta contento pa anuncia e presidente nobo pa aña 2020- 2021, Tiana de l' Isle. Tiana ta reconoce e retonan unico cu e aña aki ta trece cune. E ta opta pa mira e retonan aki como oportunidad pa ta creativo y inovativo p'asina por impacto positivo y duradero den nos comunidad.

E tema di Rotaract Club of Aruba pa e aña 2020- 2021 ta "Hand in Hand". E tema aki ta vital y ta tuma un nificacion nobo den e situacion presente. E ta representa e objecto general pa colabora y uni a pesar cu nos diferencianan, p'asina logra nos obheto comun:




pa trece caombio positivo, un individual cada bes.

Presidente Tiana ta orguyoso pa presenta e otro miembronan cu ta forma hunto cune e hunta di directiva di Rotaract Club of Aruba pa aña 2020-2021. Vice-president ta Björn Vrolijk. Secretario ta Melitza Koolman. Tesorero ta Charelle Felix.

Director di Community Service ta Roslaine Everson. Director di Club Service & Professional Development ta Katinka van der Putten. Director of PR & International Service ta Illana Hoffer. Immediate Past President ta Diantha Boekhouwer.

Fundeshi di Rotaract ta "service above self" y bini hunto pa por logra cosnan great. Rotaract Club of Aruba ta ansioso pa sigui cu e espiritu aki den e aña nobo.

Aruba Soccer Academy cla pa nan Summer Camp



ORANJESTAD (AAN): Ya pa di 4 aña Aruba Soccer Academy ta organiza

su Summer camp di Futbol pa nos muchanan y hobennan. ASA ta conoci pa tin

un di e soccer camp nan mas profesional y gusta na Aruba y ta sigui organize cu coach nan profesional pa tur hoben cu ta gusta e deporte di futbol.

Fechanan di e ASA- Benu Summer camp ta di 20 - 24 di Juli di 9'or mainta pa 12'or di merdia y ta keda na Complejo Deportivo Frans Figaroa.

Tur mucha ta ricibi nan uniform di futbol, nan certificado di participacion y lunch tambe ta inclui, cu fruta y awa.

Tambe lo duna Trofeo y Medaya pa e diferente actividad nan cu coach nan lo organiza.

ASA kier informa tambe cu e academia ta sigui cu training durante vakantie.

Inscribi bo yiu awor! Check e propaganda den DIARIO pa bo sa con pa registra, y prepara pa e camp y training cu ASA. Cuponan ta limita.

ASA - BENU SOCCER CAMP

Location: Complejo Deportivo Frans Figaroa (Noord)

Date: 20 - 24 July Time: 9:00 am - 12:00 pm

Age: 4 - 12 Price: 200 FI

HOSTED BY

NAGICO
INSURANCES

BENU
INSURANCES

Arubabank